

## 09.03 PROFIL

---

### Philipp Tuor «Il studi da psicologia m'ha avert pussaivladads»



Avant ch'el aveva la piazza sco psicolog da scola ha Philipp Tuor lavurà sco cusseglader da clamada e professiun, sco avugà uffizial u sco cusseglader da clamada e professiun tar l'assicuranza d'invaliditad. Ma partì en la vita professiunala è Philipp Tuor cun in emprendissadi sco electromontader. L'emprim onn da l'emprendissadi saja stà dir per el, di Philipp Tuor. E perquai eri suentar l'emprendissadi cler da tschertgar insatge auter. La via ha manà el en l'internat da la Scola speziala Plankis a Cuir. Ma pli simpel che durant l'emprendissadi n'èsi betg vegnì ils proxims onns. Durant praticums e studi èn trais dals sis buobs naschè ch'el ha ensemen cun sia dunna. Il medem mument ha el cumprà ina chasa veglia a Trun Darvella ed ha bajegià ora tut sez. Ed ultra da quai ha Philipp Tuor er anc dà concerts cun il Cerchel musical da la Surselva. Co ch'el ha fatg tut quai, na sa el sez betg.

*Redacziun: Claudia Cathomen*